

Թալով այս կարևոր և օգտաշատ բաղձանքին, նոյն տարին բաց-
ուած կը հռչակէ Կիւրչիկնիկեան անուամբ ընծայացուներու դասարան
մը: որ յառաջիկայ 1930 տարին կ'աւարտէ իր շրջանը: Ամէն տարի
Վարդապատի տօնին՝ Ս. Յակոբի տաճարին մէջ Ս. Պատրիարքը կը
պատարագէ և Կիւլպէնկեան գերդաստանի ննջեցիկոյ հոգիներուն
համար մասնաւոր հոգեհանգստեան աղօթք կը մատուցուի:

ՊԱՐԿԵԻ ՓԱՓԱՋԵԱՆ, ՍԱՄԱԹԻԱՅԻ. — Անդամակցած է
ազգ. զանազան ժողովներու. 1889ին և 1908ին ընտրուած է
ազգ. երեսփոխան:

Իբր Ազգ. յիսգօր պատմիչակ քննչական պաշտօնով այցելած
է Ս. Յակոբի վանքը Ա. անգամ 1910ին և Բ. անգամ 1913ին:

Պարզ և Փափաղեան պաշտօնեայ էր Օսմ. պանքային, այժմ
հանգստեան կոչուած: 1915ին տարադրուեցաւ Հալէպ, և զի-
նադադարին վերագարծած է Պոլիս:

ՊԱՐՈՆ ՃԳՆԱԴՈՐ ԿԱՄԱԽԵՅԻ. — Բրձ. քանիցս Ս. Երու-
սաղէմ ուխտաւորութեամբ այցելած է և եօթը տարի ալ ծա-
ռայած է Ս. Տեղերու մէջ. 1610ին վախճանած և թաղուած է
Ճառնեհի մէջ: Պարոն ճգնաւոր ընդօրինակած է Ս. Յակոբի մէջ
Հարսնց վարժ և Յիսուս Որդի ձեռագիրը (ՄՁ. Թ. 175). այս ձե-
ռագիրին մէջ Դարանաղցի Գրիգոր վրդ. ունի յիշատակարան
մը որուն մէջ կը գրէ յիշեալ Պարոն ճգնաւորին կենսագրութիւնը
Պատմարիւն սուրբ հօրն երիցս երանելոյն Պարոն Միսցնակեցի ի քվ.
Ռ և Գ (=1554) խորագրով. հաւանաբար Պարոն ճգնաւորին
ծնած թուականն է այս. հետեւեալը համառօտութիւնն է նոյն
կենսագրութեան. Պարոն ճգնաւորը Խորձունեաց գաւառի Սուրբ
Տիկնայ զիւղէն էր. հօրը և պարագայից հետ կը գաղթէ Եր-
զընկա և կ'ամուսնանայ. երկուք ու կէս ամիսէն կիսը մեռնելով
կրկին կ'ամուսնանայ. դարձեալ երկրորդն ալ կը վախճանի եր-
կուք ու կէս ամիսէն. սրտանայ եւ անխիթար գաղտնօրէն
կը մեկնի Պոլիս. անկէց Թօխատ, Սեբաստիա և Երուսաղէմ, ուխ-
տը կատարելէ զկնի կը վերագառնայ Երզնկա. Շիկի քար ըս-
ուած տեղը տարիներով ճգնողական կեանք կ'անցնէ և մերթ
ընդ մերթ կ'այցելէ ուխտատեղիները, ինչպէս նաև կրկին
կուգայ Երուսաղէմ. իր մօրը հետ Հոռովի Ս. Պետրոս և Պօ-
ղոս եկեղեցիները երկու անգամ ուխտի կ'երթայ, Սպանիա ալ